



Universitätsbibliothek Paderborn

**Scintillæ Ignatianæ, Sive Sancti Ignatii De Loyola,
Societatis Jesu Fundatoris Apophthegmata Sacra**

Hevenesi, Gábor

Coloniæ, 1715

VD18 10988289

12. Septembris. Si quis populari commercio Principes, & Magistratus particulatim reprehendit, plus damni & scadali generat, quàm ponat remedii. S. Ignat. apud Ribad. I. 5.

[urn:nbn:de:hbz:466:1-50423](https://nbn-resolving.de/urn:nbn:de:hbz:466:1-50423)

* [258] *

Si hominiⁱ promissa cadunt in debitum,
tantò amplius crescit obligatio, quanto di-
gnior est, cui quidpiam spopondisti. Di-
splicet Deo tarda, & inconsulta promissio,
vel omittit vota, vel imple.

12. Septembris.

*Si quis in populari commercio Principi,
& Magistratus particulatim reprehen-
dit, plus damni. & scandali generat, quam
ponat remedii. S. Ignat. apud Ribadil.*

POpulus naturâ suâ Magistratibus pa-
rum est affectus, suspicionibus agitus,
quibus si oleum affundas, quid, nisi com-
mune incendium timere possis? quod po-
pulari nullum periculosius, nec oritur ul-
lum facilius, nec ullum ægrius sopitur.

Sputum, quod in cœlum jacitur, recidit
in faciem jacentis. Inconsulta in eos mit-
titur censura, quorum, ut longæ sunt ad
audiendum aures, ità graves ad ferien-
dum manus. Potentes ægrè se tangi sinunt
impunè.

Quis te Judicem constituit? Sutor ma-
lè ultra crepidam fert sententiam. Sæpe
judicamus, quæ nescimus. In edito positi
plura vident: si nos rerum causas cognos-
cere.



sceremus, quantum judicia nostra damnaremus!

Calumniari in nullum licet, minimè in Magistratus. Reverentia illis debetur, & obsequium. Dei vices in terris agunt. Statuta, & leges, non ut ab iis, sed ut à Deo latæ sunt habendæ.

13. Septembris.

Agenda prævidere, & acta in censuram vocare, sunt fidissimæ rectè agendi regula.

S. Ignat. apud Martinium.

Bifrons Janus rectè agendi, ut symbolum tibi est¹, ita sit & regula; futura prævidere, præterita revidere ut consuecas; ex præteritis futura designentur, & ex futuris præterita emendentur.

Fecisse non est satis. Quomodo quid factum sit? revocandum ad examen. Nullus certior est magister usi. Idea facilitat opus, quod præ manibus habes, illam si respicis, ex amissi rem conficies.

Impetus nihil rectè facit, & si quid aptè videtur factum, casus est, non prudentia; properare, & errare affinia sunt. Nemo tam sapiens, qui ante opus prævidere modum, media, finem, non debeat.

Nec